



FYLKESMANNEN
I ROGALAND

Dykkar ref.:

Vår dato: 22.01.2013

Vår ref.: 2013/765

Arkivnr.: 433.0

Tore Kverneland
Skoltavegen 1
4355 KVERNALAND

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 56 88 11

E: fmropost@fylkesmannen.no

www.fylkesmannen.no/rogaland

Løyve til planting av utanlandske treslag til juletreproduksjon

Syner til søknad, mottatt 18.01.2013. Du søker om løyve til planting av utanlandske tre til juletreproduksjon på Kverneland i Time kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf naturmangfaldlova kap IV.

Søknaden

Du søker om utplanting av om lag 2800 tre på eit 4 daa stort areal, innteikna på kart vedlagt søknaden med stipla liner. Det aktuelle arealet er på din eigedom gnr 27/2 i Time kommune. Treslag som skal plantast ut er normannaedelgran *Abies normanniana*. Vi gjer merksam på at vi har høve til å handsame søknad om planting for fleire år om gongen. Så langt vi kan sjå er det stipla arealet i kartvedlegget på om lag 72 daa.

Fylkesmannen si vurdering

Føremålet med forskrifta er å hindre at planting av utanlandske treslag ikkje gjev uheldige konsekvenser for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 sett krav om at vedtak bygger på kjend kunnskap. Normannaedelgran er ikkje vurdert av Artsdatabanken som ein art med kjend risiko for naturleg spreiding eller følgeeffekter i norsk natur (Norsk svarteliste 2012). Det er ikkje verna område eller naturtypar i nærleiken som kan bli uheldig påverka av tilplantinga. Etter det vi forstår er arealet frå Kvernelandsvegen og ned mot vatnet regulert til friområde i kommuneplanen. Området er dessutan dyrka mark pr i dag. Dette området er og del av eit større område som er svært viktig for fleire fugleartar. Plantefelta på oppsida av vegen legg beslag på omdisponert dyrka mark, stort sett nytta til juletreproduksjon frå før.

Ut frå føre-var-prinsippet (§9) er det viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverking av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket legg beslag på eller er vesentleg trugsmål mot stadeigne naturkvalitetar.

§11 adresserar ansvaret for eventuelle skader på naturmiljøet til tiltakshavaren. Kostnader ved å bøta på eventuelle skader eller førebygge skader skal dekkast av tiltakshavar, så langt dei er innafør rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultatata (§12). Vi har ikkje spesielle merknadar til dette i denne saka.

Vi kan ikkje sjå at planting av dette treslaget på oppsida av Kverneldsvegen vil vere til vesentleg skade for naturmangfaldet. Det aktuelle treslaget har ikkje stor risiko på svartelista, og det er ikkje registrert spesielle naturverdiar som kan bli truga av tiltaket på eller umiddelbart ved plantefeltet. Det er likevel viktig å sikre seg mot eventuell frøsetting. Det er viktig å dokumentere rutinar for å hindre spreining, og kven som har ansvar for å sikre hogst før frøsetting. Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vi vil avslå løyve til planting på nedsida av Kverneldsvegen av omsyn til viktig biologisk mangfald langs Frøylandsvatnet.

Vedtak og vilkår

Fylkesmannen gjev med heimel i Forskrift om utsetting av utanlandske treslag til skogbruksføremål §7, jf naturmangfaldlova §30, løyve til utsetting av normannaedelgran på område skravert med lysegrønt aust for Kverneldsvegen på kart vedlagt søknaden. Areal skravert med mørkegrønt som grensar mot Frøylandsvatnet får avslag. Området er på Kverneld i Time kommune. Løyvet gjeld i ti år fram til år 2023.

Det blir sett som vilkår at alle trær som er omfatta av vedtaket skal fellast innan 15 år etter planting. Eigaren av arealet er ansvarleg for felling. Vilkåret for dette løyvet skal gjerast kjend for ny eigar ved eventuelt eigarskifte.

Med helsing

Per Kristian Austbø
ass. fylkesmiljøvernssjef

Anders T. Braa
viltforvalter

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Anders T. Braa
Saksbehandlar telefon: 51 56 89 14
E-post: fmroatb@fylkesmannen.no

Kopi til:
Time kommune Postboks 38 4349 Bryne